



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-60-16/18
Sarajevo, 26.03.2018. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva/Tužiteljstva BiH d o n o s i

O D L U K U
o izboru najpovoljnijeg ponuđača

Član 1.
(Predmet odluke)

Ugovor o nabavci za LOT1 - usluge servisiranja i održavanja službenih vozila Tužilaštva-Tužiteljstva BiH, marke Hyundai, u ovlaštenom servisu dodjeljuje se ponuđaču **Hyundai Auto BH d.o.o. Sarajevo.**

Član 2.
(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnoj Tenderskoj dokumentaciji za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, uslovima i kriterijima utvrđenim u obavještenju o nabavci i Tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-2-27-3-7/18 od 07.02.2018. godine. Primljena je jedna ponuda ponuđača Hyundai Auto BiH d.o.o. Sarajevo.

Članovi Komisije za nabavke (u daljem tekstu: Komisija) imenovani Odlukom o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopunom Odluke o imenovanju Komisije za provođenje postupaka javnih

nabavki Tužilaštva-Tužiteljstva BiH, broj: A-534-1/17 od 11.01.2018. godine izvršili su pregled i ocjenu ponuda i sačinili Zapisnik o pregledu i ocjeni ponuda i izvještaju o radu Komisije i utvrdili sljedeće:

-Ponuđač Hyundai Auto BH d.o.o. Sarajevo nije dostavio kopiju kompletne ponude, već kopiran obrazac za ponudu, popis dokumenta/sadržaj, obrazac za cijenu ponude-usluge, te su original i djelimična kopija ponude uvezani u jedno. Komisija je mišljenja, s obzirom da je dostavljena kopija svih obrazaca, da nije došlo do bitnih odstupanja od Tenderske dokumentacije, kao i da nije učinjena šteta za bilo kojeg učesnika u navedenom postupku.

-U skladu sa Zakonom o javnim nabavkama BiH ("Službeni glasnik BiH", br. 39/14) i tačkom 5.9 Tenderske dokumentacije, broj A-60-2/18, ugovorni organ ispravlja grešku u ponudi koja je isključivo računске prirode, ako se takva greška otkrije tokom ispitivanja ponuda. Komisija je uputila ponuđaču Hyundai Auto BH d.o.o. Sarajevo Zahtjev za prihvatanje ispravke računске greške, broj: A-60-7/18 od 22.03.2018. godine. Ponuđač je svojim dopisom od 22.03.2018. godine prihvatio ispravku računске greške. Shodno navedenom, utvrđeno je da ponuda ponuđača Hyundai Auto BH d.o.o. Sarajevo iznosi 10.681,50 KM bez uključenog PDV-a, odnosno 12.497,36 KM sa uključenim PDV-om.

- Dopisom broj: A-60-8/18 od 23.03.2018. godine Tužilaštva-Tužiteljstva BiH upućen je zahtjev za pojašnjenje ponude na koje je ponuđač odgovorio u svom dopisu od 23.03.2018. godine. Komisija je prihvatila obrazloženje i konstatovala da je ponuda ponuđača Hyundai Auto BH d.o.o. Sarajevo u potpunosti prihvatljiva i zadovoljava uslove Tenderske dokumentacije i Tehničke specifikacije.

Shodno navedenom, Komisija je uputila preporuku v.d. glavnog tužioca Tužilaštva-Tužiteljstva BiH za izbor ponuđača: Hyundai Auto BH d.o.o. Sarajevo, čija je ponuda zadovoljila uslove Tenderske dokumentacije i Tehničke specifikacije.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Dostavljeno:

- Ponuđaču,
- Odjelu za materijalno-finansijske poslove.

